



Bosnia and Herzegovina
Federation of Bosnia and Herzegovina

CANTON SARAJEVO
**Ministry of Physical Planning Construction and
Environmental Protection**

Broj: 05-23-36539/18
Sarajevo, 09.01.2019. godine

Na osnovu člana 26. i 28. stav 2 Zakona o Vladi Kantona Sarajevo ("Službene novine Kantona Sarajevo" br. 36/14 - Novi prečišćeni tekst i 37/14 – Ispravka), poglavlja V tačka 2. i poglavlja VI tačka 2. Plana interventnih mjera u slučajevima prekomjerne zagađenosti zraka u Kantonu Sarajevo ("Službene novine Kantona Sarajevo", br. 4/17 i 53/18), Operativni štab donosi:

ODLUKU

I

Prolašava se Druga epizoda "**Upozorenje**" povećanih koncentracija zagađujućih materija u zraku u Kantonu Sarajevo.

II

Mjere koje treba preduzimati u okviru epizode "Upozorenje" su slijedeće:

- Ograničenja u radu postrojenja za proizvodnju toplotne energije snage preko 50kW koja koriste čvrsta goriva i lož ulja u smislu smanjenja temperature za minimalno 3°C, promjene energenta za produkciju toplote prelaskom na ekološki prihvatljivije, u skladu sa raspoloživim mogućnostima, ograničavanje broja radnih sati ili na drugi način, uz pojačan inspeksijski nadzor,
- Upozorenje da sva postrojenja za proizvodnju toplotne energije snage preko 10 MW koja koriste prirodni gas, smanje temperaturu u prostorima koje zagrijavaju za minimalno 2°C,
- Osiguravanje protoka motornih vozila bez dužeg zadržavanja na glavnim gradskim raskrsnicama putem znakova i naredbi koje daju ovlaštena policijska lica MUP-a Kantona Sarajevo na glavnoj gradskoj saobraćajnici od Bašćaršije do Ilidže.
- Upotreba sredstava za obaranje čestica prašine PM₁₀ od strane komunalnih preduzeća i drugih pravnih lica, koja vrše zimsko održavanje cesta,
- Zabrana izvođenja grubih građevinskih radova na otvorenom i zatvorenom prostoru, osim u slučaju hitnih intervencija,
- Zabrana kretanja automobila (na potezu glavne saobraćajnice Bašćaršija- Ilidža u oba smjera), čiji benzinski motori imaju normu EURO2 i manju ili dizel motori normu EURO3 i manju,



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



uz pojačane kontrole prometne inspekcije uz asistenciju organa MUP-a, te zabrana kretanja teretnih vozila čiji motori imaju normu manju od EURO3. Ovo se ne odnosi na električna i hibridna vozila, vozila na plin, vozila policije, inspekcije, ministarstva odbrane, javnog gradskog prevoza, javnih komunalnih preduzeća, vozila sa diplomatskim tablicama, vozila invalidnih lica, taxi vozila i vozila hitnih intervencija (civilne zaštite, hitne pomoći, vatrogasaca),

➤ Zabrana održavanja organizovanih sportskih i kulturnih aktivnosti za uzraste mlađe od osamnaest (18) godina na otvorenom prostoru, u cilju smanjenja kretanja i izlaganja stanovništva štetnim materijama,

III

Pored mjera iz Tačke II ove Odluke, na snazi su i slijedeće mjere iz Prve epizode Plana – "Pripravnost" ":

- Intenziviranje aktivnosti komunalnih preduzeća i drugih pravnih lica koji vrše redovno (mehaničko i ručno čišćenje i pranje cesta), kao i zimsko održavanje cesta uz upotrebu "mokrog postupka", radi smanjenja emisija prašine,
- Intenziviranje aktivnosti komunalnih preduzeća i drugih pravnih lica na čišćenju javnih površina u smislu Zakona o komunalnoj čistoći,
- Poziv pravnim licima da u zavisnosti od svojih mogućnosti izvrše pomjeranje početka radnog vremena, kako bi se doprinijelo rasterećenju kapaciteta javnog gradskog prevoza i gradskih saobraćajnica,
- Zabrana saobraćaja za teretna motorna vozila čija je najveća dozvoljena masa preko 3,5 tone na glavnom gradskom longitudinalnom pravcu na potezu od Bašćaršije do Nedžarića sa preusmjerenjem saobraćaja na alternativne pravce kretanja, Tehnička regulacija saobraćaja za vrijeme zabrana vršit će se privremenom saobraćajnom signalizacijom i opremom, znacima i naredbama koje daju ovlaštena policijska lica MUP-a Kantona Sarajevo. Ovo se ne odnosi na vozila javnog gradskog prevoza, javnih komunalnih preduzeća, vozila hitnih intervencija i dostavna vozila za prehrambene proizvode. Za vrijeme trajanja zabrane saobraćaja, upravitelji cesta su dužni svaki iz svoje nadležnosti izvršiti postavljanje privremene saobraćajne signalizacije i opreme, uključujući i održavanje iste.
- Upozorenje da je kažnjivo svako spaljivanje otpada u kućanstvima i pozivanje, da se u slučaju sumnje, takva nedozvoljena postupanja prijave na Eko-telefon br. 033/66 00 00 ili telefon Kantonalnog operativnog centra civilne zaštite br: 121, radi daljnjeg djelovanja nadležnih inspekcija općina i Kantona,
- Upozorenje stanovništvu da svojim ponašanjem i aktivnostima dodatno ne doprinose zagađenju zraka,
- Apeli vozačima za racionalno i odgovorno korištenja privatnih automobila,
- Pojačan inspeksijski nadzor nad gradilištima,
- Upozorenje rizičnim grupama stanovništva za smanjenje kretanja,
- Upozorenje osnovnim i srednjim školama u Kantonu Sarajevo, da djeca ne borave na otvorenom prostoru van zgrade škole za vrijeme velikih i malih odmora, kao i da se časovi tjelesnog odgoja ne odvijaju u dvorištu škole,
- Zabranjuje se bilo kakvo loženje vatre na otvorenom prostoru.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



IV

Odluka stupa na snagu danom donošenja.

O b r a z l o Ź e n j e

Stručno tijelo za koordinaciju i nadzor je, na osnovu Plana interventnih mjera u slučajevima prekomjerne zagađenosti zraka u Kantonu Sarajevo ("Službene novine Kantona Sarajevo", br. 4/17 i 53/18), dana 06.01.2019. godine proglasilo Prvu epizodu "Pripravnost" povećanih koncentracija zagađujućih materija u zraku.

Na osnovu procjena budućeg stanja, Operativni štab se opredijelio za proglašenje Druge epizode "Upozorenje", s obzirom se očekuje nestabilno vrijeme s povremenim padavinama i bez značajnog vjetrova, koji neće dovesti do značajnijeg smanjenja koncentracije zagađujućih materija u zraku. U narednim danima će se, u skladu sa situacijom, poduzimati dodatne mjere ukoliko se nastavi trend rasta zagađujućih materija u zraku.

Imajući u vidu navedeno, odlučeno je kao u dispozitivu ove Odluke.

**PREDSJEDNIK
OPERATIVNOG ŠTABA**

Damir Filipović, MA prava

Pripremila:
Mia Maslo Kapidžić, stručni savjetnik



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

